



BASES DEL TERCER CERTAME DE CURTIOS EN LINGUA ASTURIANA DE LA MANCOMUNIDAD D'EL CABU PEÑES

1 – ENTIDAD QUE CONVOCA

Ye entidá que convoca esti concursu la Mancomunidá d'El Cabu Peñes y trátase d'una actuación subvencionada pola Consejería de Cultura y Turismu del Principáu d'Asturies.

2 – OXETIVU DEL CONCURSU

Ye oxetu del concursu'l facer un curtiu en Llingua Asturiana con un llargor d'unos quince minutos, teniendo d'apaecer nos creitos una referencia de la propia Mancomunidá y del Serviciu de Normalización Llingüística, asina como de la Consejería de Cultura y Turismu como muérganos y/o entidaes qu'entamen y/o sofiten esti certame.

3 – FINANCIACIÓN DEL CONCURSU

El concursu va financiase con cargu a la partida correspondiente del presupuestu vixente, esistiendo consignación presupuestaria al respectu, en base a la subvención concedida pola Consejería de Cultura y Turismu.

4 – PAGU DEL PREMIU

Va facese en valorando los trabayos presentaos y decidiu'l ganador pol Xuráu con tolos conceptos que se puean derivar de la mentada execución y previa conformidá de la Responsable del Serviciu de Normalización d'esta entidá.

5 – PROGRAMA DEL CONCURSU



Va atendese a lo dispuesto nes cláusules 2ª y 9ª d'esti pliegu de condiciones

6 – GRAU DEL CONCURSU

Va desendolcase a nivel de presentación y execución del material solicitáu y va ser públicu.

7 – CAPACIDAD PA CONCURSAR

Tán capacitaes pa concursar persones de cualesquier nacionalidá, de forma individual o colectiva, pudiendo presentar cada persona o collectivu una propuesta al concursu como máximo.

8 – EL XURÁU

8.1 – Ésti va constituise dientro del plazu de 10 díes naturales dende que se tienen presentaos los trabayos siempre que l'últimu día nun coincida con sábadu o festivu; en tal casu va posponese pal primer día siguiente hábil. (La fecha tope de decisión del Xuráu va ser: 11 d'avientu de 2009)

8.2 – Composición:

Sr. Presidente de la Mancomunidad Cabu Peñes o miembru nel que delegue.

Vocales:

- una persona en representación de la Oficina de Política Llingüística del Principáu d'Asturies
- dos persones rrellaciones col entornu artísticu del mundu del cine y/o medios audiovisuales asina como persones al rodiu l'Asturianu: profesores, académicos, filólogos, escritores etc.



- la responsable del Serviciu de Normalización Llingüística de la Mancomunidad d'El Cabu Peñes.

El xuráu va contar, amás, con un secretariu/a con voz pero ensin votu, que va tener como misión recibir y custodiar los trabayos, llevar acta de tola actuación del xuráu, y aquellos otros que la llei 30/1992, reformada pola llei 4/1999 de 13 de xineru, del Réxime Xurídicu de les Alministraciones Públiques y del Procedimientu Alministrativu Común, prevé pa los secretarios de los órganos coleaos y que-y sían d'aplicación, recayendo na Secretaria de la Mancomunidad d'El Cabu Peñes o persona na que delegue.

8.3 – Funciones del xuráu:

- L'almisión definitiva de los trabayos
- El xuráu, previu esame de la documentación presentada polos concursantes y de les propuestas d'éstos, tres les resoluciones afayadices, va proceder a la resolución axeitada causada de manera aparente.
- Les decisiones y alcuerdos del xuráu van ser firmes, inapelables y nun se van poder retrucar. Va adoptar los sos alcuerdos por mayoría simple de los votos amosaos polos miembros del mesmu y que tean presentes. En casu d'empate decidirá'l votu de calidá del Presidente. Sedrá necesario la presencia de la metá más ún de los miembros del xuráu y del secretariu-a.

De tolos aconceyamientos que celebre'l xuráu, va estendese l'acta correspondiente que van roblar el Presidente y el/la Secretariu-a

- El Xuráu tamién tien la facultá pa interpretar toa clase de cuestiones que surdan y que nun tean regulaes nestes bases, y les resoluciones qu'adopte van gozar de la presunción de llegalidá y tarán d'acordies col conteníu d'estes bases.



Pa meyor xuiciu van poder requerise los asesoramientos que se xulguen oportunos nes resoluciones y, a títulu informativu, ensin más requisitu que'l de xunir estos informes al acta de la sesión que se trate.

9 – NIVEL, CONTENÍU Y PRESENTACIÓN

9.1 - La temática ye llibre y los trabayos presentaránse en formatu DVD y por triplicao y el máster en formatu DVCAM o MINIDV. Va poder axuntase tou material que valga pa la meyor evaluación y valoración del mesmu.

La fecha tope pa entregar esti material sedrá'l 1 d'avientu de 2009 (martes) a les 14:00 hores.

Nos 10 díes siguientes el Xuráu valorará'l proyectu meyor, decidirá'l ganador y dará anuncia siendo en tou casu la fecha tope d'axudicación el 11 d'avientu de 2009 (vienres).

9.2 – La entrega de la documentación pue facese en mano (nes oficinas de la Mancomunidad con señes: C/Braulio Busto, 2 – 2^u, 33430 Candás – Carreño; tfnu. 985872421, n'horariu d'atención al públicu de 9:00 a 14:00 hores), por persona interpuesta, o per corréu certificáu y con acuse recibu (paquete postal exprés), en tal casu tien de remitise per fax al n^u 985 87 25 22, dientro del plazu presentación, el resguardu del mentáu unviu.

Ha presentase nuna carpeta o sobre col títulu: "Tercer Certame de Curtios en Llingua Asturiana de la Mancomunidad Cabu Peñes" asina como'l nomatu del autor. Dientro del sobre ha axuntase un sobre zarráu colos datos del autor (nome, apellíos, señes, teléfonu y nomatu) y títulu del trabayu.



Pa más información pue consultar llamando al Serviciu de Normalización Llingüística de la Mancomunidá n'horariu de 10:00 a 14:00 hores y nos tfnos. 985872406 (martes y xueves) y 985883532 (llunes, miércoles y vienres) o per corréu electrónicu a la dirección: llingua@mcabop.com

Les BASES del CONCURSU puen consultase na páxina web de la Mancomunidá d'El Cabu Peñes: www.faronorte.org.

9.3 – Enantes la resolución, el Xuráu va analizar el conteníu de les propuestes presentaes desaniciando les que nun sigan les bases del concursu, lo que va tar razonao, levantándose l'acta que correspuenda.

9.4 – El fallu del xuráu va facese por mayoría simple de los sos miembros. Tien de ser razonáu y tar basáu en dalgunu de los criterios que vienen darréu:

- Orixinalidá y creatividá.
- El bon usu de la Llingua Asturiana y la orixinalidá de los testos o comentarios emplegaos.
- Les referencies a particularidaes de los conceyos: “el nun vender más de lo mesmo”.
- Idees complementaries a la propuesta.

El fallu del concursu va ser públicu y espardíu ente los que participen y los medios de comunicación afayadizos, y va resolverse, como máximo, el 11 d'avientu de 2009.

10 – PREMIOS



Va dase un único premiu de 1.000 € (suxetu a les correspondientes retenciones fiscales).

Si al xuráu-y paez aparente'l concursu podrá quedar ermu según la calidá de los trabayos presentaos.

Aceptar el premiu acarria dafechu l'autorización a la Mancomunidad Cabu Peñas pa emplegar públicamente'l conteníu del trabayu premiáu.

El ganador ha garantizar tar en posesión de los derechos d'esplotación de tolos elementos que conformen el videu

11 – DERECHOS DE PROPIEDAD

Les ideas representaes na documentación elaborada polos concursantes, son, en tou casu, de la so propiedá intelectual entendiendo que'l trabayu tien de tar llibre de derechos a terceros.

12 – DEVOLUCIÓN DE LOS TRABAYOS

Los trabayos premios van poder retirase sía personalmente polos autores o por delegación escrita nes oficinas xenerales de la Mancomunidad asitiaes en Candás nel plazu de los trenta díes siguientes a la resolución del concursu.